

Broj: 06-03-609-04/43/17
Mostar, 24.11.2017. godine

Na osnovu člana 17. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 217. Zakona o upravnom postupku („Službene novine Federacije BiH“ broj 2/98 i 48/99), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1) i člana 32. stav (5) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), Regulatorna komisija za energiju u Federaciji Bosne i Hercegovine – FERK je dana 24.11.2017. godine na XIX redovnoj sjednici donijela sljedeći

ZAKLJUČAK

1. U Rješenju Regulatorne komisije za energiju u Federaciji Bosne i Hercegovine-FERK broj 06-03-609-03/43/17 od 26.07.2017. godine, u Dozvoli za rad (licenci) za transport naftnih derivata drumskim saobraćajem iz tačke 2. rješenja, a koja čini njegov sastavni dio, na naslovnoj strani i u tački 1.2., ispravlja se greška na način da se slova „bb“ zamjenjuju riječima „broj 10“.
2. Ova ispravka ima pravno djelovanje od dana od kojeg pravno djelovanje ima rješenje iz tačke 1. ovog zaključka.
3. Ovaj zaključak se prilaže originalu rješenja iz tačke 1. ovog zaključka i čini njegov sastavni dio.
4. Ovaj zaključak je konačan, te se objavljuje na internet stranici i oglasnoj tabli FERK-a, a dispozitiv ovog zaključka u „Službenim novinama Federacije BiH“.

Obrazloženje

Regulatorna komisija za energiju u Federaciji Bosne i Hercegovine – FERK je na XIII redovnoj sjednici održanoj u Mostaru 26.07.2017. godine, postupajući po Zahtjevu za izmjenu i dopunu dozvole za rad (licence) u postupku izmjene Dozvole za rad (licence) za transport naftnih derivata drumskim saobraćajem broj 06-03-511/86/16 od 22.06.2016. godine podnosioca „HIFA-OIL“ d.o.o. Tešanj, donijela Rješenje broj 06-03-609-03/43/17 od 26.07.2017. godine čiji je sastavni dio i izmijenjena Dozvola za rad (licenca) za transport naftnih derivata drumskim saobraćajem. U navedenom rješenju, u dozvoli za rad (licenci) koja čini njegov sastavni dio, na naslovnoj strani i u tački 1.2., učinjena je greška u kucanju kod navođenja broja u adresi sjedišta, te je istu, u skladu sa članom 217. Zakona o upravnom postupku, trebalo ispraviti, sa pravim djelovanjem od dana od koga proizvodi pravno djelovanje rješenje koje se ispravlja.

Obzirom na navedeno, te postupajući u skladu sa članom 78. Pravilnika o javnim raspravama i rješavanju zahtjeva, sporova i žalbi, odlučeno je kao u dispozitivu zaključka.

POUKA O PRAVNOM LIJEKU:

Protiv ovog zaključka može se tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema zaključka. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Jasmin Bešo

Dostaviti:

- „HIFA-OIL“ d.o.o. Tešanj
- Federalnom ministarstvu energije, rudarstva i industrije
- Kancelariji sekretara FERK-a
- Sektoru za pravne poslove
- Sektoru za tehničke poslove i licence
- Sektoru za tarife i tržište
- Sektoru za finansije
- Sektoru zajedničkih poslova
- oglasna tabla
- a/a